



# Mamautari Newsletter

MFMRD Bairiki, Tarawa P.O Box 64 Phone no: 21099 Fax no: 21120

**Volume 1 Issue 7 28 th September 2009**

*Kanoan am Beeba iteranibaa*

Ana tiim te Tautaeka n Biiti ao rongorongon ana JV Kiribati 2

Te reirei iaon te tebo ao kabwakaakin taian boera 3

1 te mirion nakon ESAT Project 4

OFCF ma katabeana ao te kakae iaon Aranuka 5

*Rongorongo aika kimototo*

*Kanoan am Beeba... iteranibaa*

*Te rabakau n Kiribati* 2

*Te Kukua, te mwanai ae biotin* 3

*Reitan rongorongon te ESAT Project* 4

*Reitan riki ana kanoa te Mineral Units* 5



*1 riki te miriion te mwane n Eurobe nakon ESAT Project mai iroun EU.*

*Kabwaninna n itera ni baa 4.*

*Matoa te kaai n bwaibwai iroun Kiribati ma Kyo-kuyo Suisan Co. Limited n te Kaibuke n karaun ae Wakaba Maru No.3. Te ka-teni-waa ni kaibuke ae bwaibwai naba iai te Tautae-ka ni Kiribati.*

*Warekia n itera ni baa 2*

***Kanoan te Bong-Buokam n ataa Te Raoi ma Te Bu-aka—e bwanin te rabakau ni Kiribati aio n itera ni baa 2***

*Kawaraki naba te Botaki n Akawa iroun ana tiim te Tautaeka n Biiti i b u k i n t e karikirake iaon marin taari ae te ika.*

*Noora itera ni baa 5*



## Man te FLEU

### Kawaraki naba te Botaki n Akawa iron ana tiim te Tautae n Biiti ibukin te karikirake iaon marin taari ae te ika

Ana tiim te Tautae n Biiti are e kairaki iron Te moan Tia Koroboki n te Fisheries ake a roko inanon wiiki aika nako, bon ibukin karaon waaki n reitaki aika kakaokoro imanen te Tautae n Kiribati ma te Tautae n Biiti.

A bon mwaitin waaki n iango are e mwananga ibukina te te tiim aio ma teuana naba mai ibuakona bon kawaran te Botaki n Akawa. E ngae n anne ao e bon reke naba ana tai n kawara te botai n akawa ibukin te reitaki iaon te karikirake ibukin

marin ana marawa Kiribati.. Te reitaki ae taraaki ma Biiti n te mwananga aio bon iangoan kabonganaakin marin ana marawa Kiribati n aron te ika, ike e kona iai Biiti n anaia ao ni karaoia ngkai e kakoauaaki bwa iai ana tabo ke ana factory aika bubura are e kona iai n karaoia ao n iokinibwaia nako aban tinaniku.

N aron ae ataaki ao te waaki aio bon ibukin karababaan te kabwaia ibukiia ana botannaomata Tautae aio uoua aikai.

### A tiainaaki bebwan te Joint Venture I Teirio Abaiang.



### Kanoan te Bong- Buokam n ataa Te Raoi ma Te Buaka

- Ngkana iai te Nang ae roroo n rabuna Tanimwainiku ao akea te ang ae e uka rabwatam n te ingabong anne ao uringnga bwa n te aoa 10am e na roko te karau ma te ang ae e na bong bongina
- Ngkana e rabunaki matan Taai n te Nang ae roroo man te aoa 4pm ke 5pm ni karokoa e mauna iaan te oraitan n tanimaeano ao bon te buaka ae te karau kanoana n te tairiki anne.
- Ngkana iai bwaai aika ai aron buraen matan taai aika a tiki nako Aontari man taai imwain bungina ao uringnga bwa te karau ma te ang kanoana. Ma e na bon reke te Akawa ma te nakanako iai.
- N tabetai ao a bon rabunaki nangkoto n te aro ae e aki kona n noraki imwin bungin taai ao bon te karau kanoan te bong anne.
- A taku ara Atiberoro (Bakatibu) bwa marangan taari ni mwananga ngkana e nang moanna iai te “o nia” ke e k e k e r i k a a k i n “iaraa” (mwanekarakena ma kekerikakin taari) e baireaki n te maranga ae tengaana.

*Reitana n itera ni baa 4*

### Matoa te kaai n bwaibwai iron Kiribati ma Kyokuyo Suisan Co. Limited n te Kaibuke n karaun ae Wakaba Maru No.3



Hon. Taberannang Timeon ma te Beretitenti n te Kyokuyo Suisan Co. ae Mr Ikuo Muratani ane ni maingina ma ana aobitia akana uoman mai tabotabo.

boraraoi n taai aika nako bwa te kaibuke aio ngaia ngkai are e na kaai ni bwaibwai iai Te Tautae n Kiribati ma Kyokuyo Suisan Co. Aio are e a kamatoaaki n te wiiki ae nako mai imwiin rokon. Te Beretitenti n te kambwana aio ae Mr Ikuo Muratani ma uoman ana aobitia ike a kamatoaa ao n tiainai bebwaan te Ika-rekebai aio I Teirio Ab-


E aki rangi n maan bwa ai tibwa aua (4) te namwakaina n nako imwiin reken te ka-uowaa n kaibuke n akawa mai Tiaban are bwaibwai naba iai Kiribati ao e a manga reke naba te ka-teniwaan n kaibuke bon mai Tiaban naba are e a manga bwaibwai naba iai Kiribati ma te kambwana ae Kyokuyo Suisan Company limited. Te Kaibuke aio bon te kaibuke ni karaun ae te Wakaba Maru No 3 ao are e a tia ngkai n matoa mai imwiin karaon taian

aiang. Te Ika-reke-bai aio are ai bon te kateniua n Joint Venture ma Tiaban bwa te moan are e moan reke inanon te ririki 1993 ae kinaaki n arana ae te Kiribati and Otoshiro No 1 ao te kaoua are e a bon tibwa reke inanon Tebetembwa n te ririki ae nako ae te Kiribati and Taijin Fishing Company. ma e tuai moa ni matoa aran ae te ka-teniua aio.

## FISHERIES DIVISION

### Anga reirei iaon te tebo

*Tai kanna, te mwanai ae rangi ni korakora te biotin iai*



Common name: Sea crab  
Scientific name: Zosimus aeneus

Arana ni Kiribati :Te kukua.

Te aekaki ni mwanai aei e rereke riki iaon te maran I tanrake. Temanna te mwanai e kona n tiringiia aomata aika mwaiti kiaina ngkai e rangi n korakora iai te aekaki n biotin ae te saxitoxin. Ngkana ko kana te mwanai aei ao e kamatei naba mwatiretin rabwatam ao ngkana e a roko n te mwatireti are buoka ikeikem ao e a tabe naba n kauarerekea ikeikem ni karokoa ae bono ikem.



©MFMRD



kona ni kabonganai ngkana arona bwa koa reke n te kanganga iaan tari.

Kain te reirei anne bon taian Fisheries Trainees ao ai tabeman taani mwakuri n te Fisheries i Tanaea ake a nano n te reirei aei. Tiaki ti ngaia ma bon iai naba ake a roko n iira te anga reirei aei man ana kabwana nako te Botaki n akawa n aron Central Pacific Producers Limited ao ai man te Atoll Seaweed.

Iai uoua iteran te reirei aei bwa teuana ibukin aia anga reirei ni kabwarabwara aron kabonganakin nako te tua ma kabonganakin te kaeti ngkana a tebo i taari, ao teuana ibukin karaoakin te tebo are a karaoa mwin te angareirei nakoia n tebo n te nano ae bon 20 te miita. I rarikin anne ao Toaea man te fisheries ngaia are e i buobuoki ma naakai iaon te anga reirei n te tebo aio.

Te kauabong ae 4<sup>th</sup> n Ritembwa ao a roko uoman kain te kambana ae te Splash Gordon mai New Zealand ibukin te anga reirei iaon te tebo. Naakai bon Lisa ao Derick ake ngaia ae a kaira aron te reirei iaon te tebo aio. E aranaki te reirei aei bwa te Open Water, ao aio te reirei iaon aron kabonganakin te bwai n tebo, tuua ibukin kabonganakin te kaeti n tebo ao ai taian kanikina i taari ake a

### Manga kabwaaki riki bwain kauakiia iika ibukin reitan te maeu irouia kain aonnaba

A kitana Tarawa n te taabati ae 23<sup>th</sup> n Ritembwa ana tiim te Botaki n Akawa nakon te itera maiaki ni baoia aeTebenebene .

Mwanangan te tiim aio bwa ana kabwakai taian boera ke bwain kauakiia iika n abamwakoro aika Nikunau, Tamana ao ai Arorae. Te kantaninga n te waaki aio bwa e na manga kona ni kaoki ao n kaui ikan aaba aikai ngkai e kakoauaki bwa e a manga keerikaaki ke n karako te mari n te ika n abamwakoro akanne. Bon iai boera aika a tia n kabwaaki n abamwakoro aikai ma

iai te kanganga bwa a tia n bua ao n aki reke rabwataia ai ngaia are a manga moan kabwaaki riki. Bon te bwai ae na kona n reke te kanganga aio ma ngaia ae kataia ngkai te Botaki n Akawa ni kakaea angan kato-kana

E ngae n anne ao e kairaki te mwananga aei iroun temanna te aobitia man te botaki n akawa i Tanaea ae Nakamori Ueantabo, ma raona ni mwanagana aio bon Fisheries Trainees ake a iri naba ibukin reiakinaia aron te waaki aei ao riki ai bon te akawa.



## MINERAL UNIT

### 1 riki te miriion te mwane n Eurobe nakon ESAT Project mai iron EU

E a tiainaaki n te Katenibong 14 n Tianauare beebwan ana mwane riki te karikirake ae te ESAT (Environmentally Safe Aggregates for Tarawa) ke te karikirake are e na kabooa nako te atama ma te tano mai taari. E a bon tia ni waaki te karikirake aio ma ana mwaiti ni mwane ae 2.2 te mirion te mwane n Eurobe are e bwaati n te moan tai ma te mwane ae e a manga bubuti riki te karikirake aio bon ibukin kaoroan boon te kaibuke are ngaia ae na anaa te tano ma te atama mai taari. E riki n aki koro boon te kaibuke aio bwa kioina ngkai e rangi n korakora biriraken boon taian biti are ngaia are na kainanoaki ibukin kabaakin te kaibuke aio. Aio are irekereke ma bwakan biribirin te mwane n te aon-naba ai ngaia are e a riki n aki taut e kataumwane are e a bon tia n katauaki ibukin kabaakin te kaibuke inanon 5 te ririki n nako.

Ngkana e aki tia te kaibuke aio ao e na bon aki bobonga ao n waaki te karikirake aio ai ngaia are e a tia ni manga bubutiaki riki te EU te kakoro n te mwaiti ae 1 te mirion are e a kakoauaki bwa e a roko taekana rianon te Botaki n mwane bwa e a kariaiakaki te bubuti anne. Ngkai e a kakoauaki bwa e nang roko temwane aio ao ngkai e a tia n manga

uki te tender ke katauboo iaon kabaakin te kaibuke aio nakoia naake a nano iai ao ni konaa n kabaa te kaibuke aio. Ngkana iai nanom iai ao ko kona n tareboniia aobitin te botaki n akawa are i Bairiki n te nambwa aio 21099 ibukin rongorongona ae bwanin.

N reitaki riki ma kanoan te karikirake aio ao e a ti a naba n waaki ngkai karoan te Environmental Impact Assessment are bon karaoakin te kakae iaon marin nako taari n te tabo are e na kenaki bwa e na iai rootakiia n te waaki aio ke akea. Aio are e a kairaki karaoakina iron temanna te tia reirei man te University of the South Pacific ae Ed Lovell ao n raonaki iroiua uoman te Fisheries i Tanaea ao uoman man te Environment.

Te Karikirake ae te ESAT bon ana karikirake te Botaki n Akawa are e na kaboonakoa tea tama ka te tano are e na bwamwiia mai taari n te aro bwa e na toki anaakin tea tama ma te tano mai i mataniwiin te aba. Oin te kantaninga ni katean te karikirake aio bwa e na buoka katokan te kanganga ae te "Kanaki nako" i mataniwiin te aba are bon teuana ngkai te kanganga ae korakora riki iaon Tarawa Teinainano ma Betio. *Reitana n te atai*



Man te maing-Nick Harding te manatia n te ESAT Project ao ai Temaa Biiko, Aranteiti Tekiau, Ed Lovell are ngaia ae kaira te kakae I taari, Nokedi Nanimatang ao ai Toaea Beiateuea.

Teuana naba taben te karikrake aio bwa e na kabutaa nako ao ni karokoa iron te bota n aomata te kanganga ae te kanaki nako ma ana mwakuri nako te aomata are e rangi n kawaekoa riki reken te kanaki nako n mataniwiin te aba.

Ibukin wakinan te itera aio ao iai are e a tia n reke bwa e na kaira aron wakinan ao ni mwakuri naba ma uoua rabwata aio inaomata (NGOs) ake e na reitaki ni mwakuri ma ngaiia

Rabwata aika uoua aikai ngaiia ake ana reitanako te waaki imwiin banen ana konturaeki (Contract) teuaei. Teuaei bon Alice Lenely are e a bon tia naba n mwamwakuri iaon Kiribati inanon ririki aika nako n te karikirake are Te Kaoki Maange ao tabeua riki.

E katautauaki bwa e na roko Alice I Tarawa n te Kauabong aio 2 n Beberuare ao e na mwakuri ma ESAT ibukin te itera aio inanon te maan ae waniua te wiiki.

#### *Kanoan te Bong- Buokam n ataa Te Raoi ma Te Buaka*

- E baireaki aei man tokin te bike inano ae te ribu ke te maran ae e ataaki n arana ae Tianeia ma tokina ieta nako bukarere ni Mao ieta ae Tabaneia. Ngkana e raka waeraken taari iaon tengaana n irianaki ma te Mantoa ma Rakan utin naao ao ngkanne kaotan te Ang bon rakan ke utin nao ao te mantoa ao te karau ni buan kani-kina ana kaoti kanoaia.

*E anaaki te rabakau ni Kiribati aio man te Boki ae USP Nav. Timea/ Etekia.*

## PLANNING UNIT

A bon tuoa naba ranin taari ao n katei aia atiibu n taabo aika kakaokoro are ana tiku inanon te maan ae teuana ke uoua te ririki are e na kona n oti iai bwa tera ae riki nakon atiibu akanne ao ni kaotia bwa mwaitira ae e a tia n kanaki nako mai iai.

Ana katautau teuae ma kain ana tiim aio bwa man kamatebwaian ao atakin tein te kanaki nako iaon Aranuka, bon ngaia are e na kona n ataaki iai maeun te rakai ao ni kaotii aaga ni katauraoi nakon bwaai aika ana riki ngkana arona bwa iai te bitaki nakon taari.


Bon iai ake a ira te mwananga aio man Te Botaki n Akawa bwa Tion Uriam ao ai Nei Raitiata Alolae man aobitin te Otabwanin ibukin karaba-baan te rabakau ma te atatai n te itera aio. A kabanea teuana te wiiki iaon Aranuka.

### Aikai kanoan nako aia kakaie I taari kain te tiim aio



### E na kati ai katabeana Overseas Fishery Cooperation Foundation (OFCF) ni moan te ririki ae ake kanoan te ririki ae nako

Ni kanoan ana kora ni kaeti te karikirake ae FDAPIN V (Fisheries Development Assistance Pacific Island Nation 5) are bon ana buoka nakon te Botaki n Akawa ao ai nakoia ana kambwana nako ibukin te ririki ae nako 2010 ao bon iai tabeua kanoan tabena ao ana mwakuri ake aaki koro nanoia iaan kanganga tabeua aika aaki kantaningaaki ma e a tia n taekinna Keizo Takahashi man OFCF bwa ana kakoroaki nanoia inanon moan te ririki aio



Katabeana aikai bon karaon te uruaki nakon ana auti ni kamwaitoro Niki-nau. Tiaki tii ngaia ma bon karaon

naba te uruaki nakon ana tianaraita ana kambwana te Botaki n Akawa ae te Central Pacific Producers Limited. E riki n aki karaoaki te uruaki nakon te tianaraita aio kioina ngkai a bon aki otinako bwai ni mwakuri man aobitin te Custom ai ngaia are e na karaoaki moa anne ngkai ao mai imwiin anne ao e a tibwa kona n karaoaki te ono bwai nakon te tianaraita anne are e katautauaki karaoakina inanon Beberuare te ririki aio.

Irarikin nako katabeana akanne ao e na bon kateimatoa naba te onobwai ma ana katamaroa nakon te tabo n mwakuri ke ana workshop te Fisheries Division are i Tanaea. N reitaki naba ma anne ao e na bon manga iai naba taian anga reirei are e na manga wakinaki inanon te ririki aio bon iaon naba aron tararuuan ma kateimatoaan taian auti ni kamwaitoro ake iaon aba. Auti ni kamwaitoro ake iaon aba bon ana buoka naba Tiaban ke OFCF nakon te Tautaeaka n Kiribati.

### Reitan riki ana kanoa te Mineral Unit Kamatebwaian te abamwakoro ae Aranuka.

Te rakai bon bwaai aika kakaokoro ao ni maeu man n rangi n bongana nakon aaba aika uareke n aron Kiribati. A kona n kakaoroko aron rikirakeia ma maeuia ao ai ni ikotaki ma bonganaia, ma bon iai naba aia urubwai. A rangi n mwaiti kamateb-wai ake a tia n karaoaki nakon bonganan te rakai ma e na kona n rangi n uareke te atatai iaon ana urubwai n irekereke ma te kanaki nako ao ai irekerekena ma bibitakin kanoan te bong.

Kamatebwaian tein te aba ae

Aranuka ma kakaean mwaitin te kanaki nako mai mataniwiin te aba bon ngaia oin ana kakaie ma ana kamatebwai te tia reirei ae Dr Gene Rankey are e a karaoia iaon te abamwakoro ae Aranuka n wiiki aika nako n raonaki iroun temanna ataein ana reirei man te University of Kansas mai Amerika. Te bwai ae a karaoia naakai a bon rikoi taian atiibu I taari man taabo aika a kakaokoro are atiibu akanne ana kona n kaotii tein ma kakaoron te tabo teuana ma teuana.

*Reitana riki n te maing*